

*Epistole due del Cav. Vito Capialdi Segretario Perpetuo  
dell' Accademia Florimontana*

I.

VITUS CAPIALDUS NICOLAO MORELLIO S. P. D.

MITTO tibi, Nicolae suavissime, antiqua aliquot numismata optimaе notae, inter quae unum aureum Syracusiorum pulcherrimum, quinque argentea, et decem aenea, ut tuo numophylacio reponas. Jucunde accipias velim munusculum, et si parvum, a veteri amico, imo conjunctissimo oblatum. Scio enim quantum tibi debeo, et meam tuorum erga me meritorum memoriam ulla nunquam delcebit oblivio. Manent imis infixae medullis tuae in me beneficia. Ex quo tempore tu me absentem diligere caepisti, quotidie amanter te dilexi: postea accesserunt etiam conjunctio in biographiis conscribendis tam honorifice a te approbata, cooptationes nostrae in easdem fere Academias, amici iidem communes (duos tantum honoris causa nomino Jordanum, Lombardumque (1) vere nostros), quae non mediocriter incitamentum mihi quidem attulisse videntur ad voluntates nostras copulandas. Multa praeterea: attamen dulcia vincula, quibus tibi libentissime adstringor, suavitatem consuetudinis, mores, probitatem, litterasque illas interiores, quae nos maxime sicut jam a prima adolescentia delectarunt, non reticeam. Nec oblitus sum epistolarum tuarum, quas ad me plenas humanitatis, comitatus diligentiaeque misisti, dum sive Neapoli, sive Romae, sive Aquilae, sive Potentiae morabar. Tandem aliquando Hipponii esse caepimus. Hic me carentem invenisti cum familiarissimis Pignatario, Badolato, Paparo, Andreacchio (2), quos mors eripuit, Petronio, Taconiis fratribus, Gerhardio, Wittio (3) mei amantissimis, quos absentia distraxit, tum Scottio, Arditio, Carello (4), multisque aliis clarissimis viris meis amicissimis, quo-

rum benevolentiam nobis consuetudo, ingenium, et quod aliquid viro dignum semper egimus, conciliarat. Illis temporibus enim recte iudicavi deponere personam publicam, ac, ut honestissimo otio cum dignitate perfruerer, totum in litteris, et rebus familiaribus me abdere. Quaesio? Nonne modo amplificatorem dignitatis meae, immo invidorum meorum, qui audacia pro sapientia usi sunt, te sponte ultorem praebuisti, et ad Joannem Cennium (5), nostrum item jucundissimum amicum, consilio, gratia, constantia te adjuuxisti, ut eos ineptiarum suarum poeniteret? Nonne *decennalia acta Arcadum Viconensium* publici juris facere tu me impulisti, quae certam dignitatis, studiorumque nostrorum rationem ostendere arbitraberis? In reliquis officiis, cui tu tribuisti praeter me, ut domum ventitares meam, horasque multas saepe suavissimo sermone consumeres? Tum ob filiae meae connubium illud carmen nuptiale sancto amicitiae numine dictante scripsisti. Quae omnia demonstrant, me a te plurimi fieri, uti ego etiam antea judicaram. At demum luculentum dedisti testimonium libro de vita Torquati Tassi, italorum poetarum facile principis, a te ornatè scripto, mihiq̃ue amantissime dicato. Liber et lectus est a me diligenter, et a Vincentio filio (6) diligentissime legetur. Quid dicam? Nihil illo sapientius, nihil elegantius nobis visum est! Opus, Jupiter, doctum, et laboriosum! Manebit nempe, vivetque perennis in aevum liber ille tuus Tassi gesta, laudesque referens, et amicitiae nostrae memoriam posteris quoque prodet. Haec splendida magnitudo cum animi, tum etiam ingenii tui ad eum amorem, quem erga te habebam, tantum accessit ut mihi nunc denique te amare videar, antea dilexisse.

Decem priores libros itineris pictorii, ejusque dedicationem cito remittas, ac salutem plurimam praestantissimae uxori tuae meo nomine impertias, rogo. Caetera coram hodie quidem, aut cras. Fac valeas, atque mutuo me diligas. Vale.

Dabam Hipponii sexto Kalendas Martias A. R. S. MDCCCXXII.

## II.

VITUS CAPIALEUS NICOLAO MORELLIO SUO S. P. D. NEAPOLIM.

Obitum Francisci Carellii graviter, molesteque, uti veteri amico decebat, tuli. Nempe ipse omnium votorum compos, civilibus rebus agendis dexterrimus, etruscis, latinis, graecisque litteris pereruditus, et amicus sine fucio fuit. Inerat insuper ei versatile ad omnia ingenium, acre, atque facetum, et quod mihi maxime gratum, Arcadum Coloniam Vibonensium, inter quos *Elcini Lupiensis* nomie cooptatus erat, (cui non ignoras me curas, et operam sedulo impendere), apprime praediligebat; itaque eum ex nostratibus egregiis viris egn et observabam summo opere, et colebam. Bene ergo consuluisti memoriae Clarissimi Carellii, Nicolae dulcissime, tu, qui illustria ejus facinora orationi medius fidius luculentae tradidisti; nam ex nanibus honoribus, qui maximi habentur ab amicis mortuis, nullus est tam insignis, quam quidquid illi praecclare in vita gesserint litteris mandare. In ea funebri laudatione quidem belle omnia: at illud in primis, quod, cum eximii oratoris partes complexus sis, ab historica veritate non recedis. Sic epitaphium cum lacrimis concinnavi, si non elegantius, ut res postulabat, sincera tamen, et certa fide decorum, tibi que mitto, non quod dignum ducam Carellio, viro nostra aetate praestantissimo, sed ut intelligas, in veteris amicitiae singularisque erga defunctum observantiae pignus, et ut academico satisfacerem officio meo, illud me exaravisse. Etenim tu probe scis, Carellium in plurimas Academias ob multiplicem eruditionem adlectum fuisse: Instituti quippe *Gallici*, et *Neapolitani* scientiis artibusque meliorandis, amplificandisque, *Romani* archeologicis rebus edendis, Academiae Regiae Imperialis *Georgophilorum Florentinorum* *Florimontanae Vibonensis*, aliarumque socius, et Regiae *Ilerculaneensis* Socius ab actis perpetuus fuit. Florimontani, quot quot sunt, te salvare jubent. Patri tun, viro amplissimo (\*) salutem plurimam meis verbis dic: vale cum lectissima uxore, et Acumilia lepidissima puellula tua; et me, ut facis, ama.

Datum Vibone idibus Decembris A. R. S. MDCCGXXXII.

A.

P  
X

Ω.

## FRANCISCO . CARELLIO

DOMO . CVPERIANO . VTRIVSQVE . JVRIS . DOCTORI

INTER . FRANCISCI . I. EQVITES . ADLECTO

VIRO . ETRVSCIS . GRAECIS . LATINIS . QVE . DOCTRINIS . ORNATISSIMO

CENSORI . LIBRIS . EDENDIS

REGIAE . HERCVLANENSIS . ACADEMIAE . SOCIO . PERPETVO . AD . ACTIS

ET . IN . COLLEGIA . FLERAQVE . SODALIVM . ERVDITORVM . COOPTATO

REGVNDIS . ADMINISTRANDIS . INSTITVENDIS . QVE . POPVLIS

MVLTIPLICI . SCIENTIA . VSV . ET . COGNITIONE . RERVM . FRAEDITO

QVI . LITTERARVM . ARTIVM . QVE . STVDIO

ET . RECTE . SENTIENTIVM . AMICITIA . ENITVIT

DE . REGE . DE . RE . PVBLICA . DE . RE . LITTERARIA . OPTIME . MERITVS

VIXIT . ANNOS . LXXIII . MENS . XL . DIES . X . NATVS . NON . OCT . MDCCLVIII

OBIT . XVI . KALENDAS . OCTOBRIIS . A . R . S . MDCCCXXX

## VITVS . CAPIALBVS

AMICO . DVLCESSIMO . ET . BENEMERENTI

LVBENS . LVGENS . QVE .



*NOTE della prima e seconda Epistola.*



- (1) Canonicus Antonius Giordano Regalis Borbonicae Bibliothecarius emeritus, et Andreas Lombardi Pro-Praefectus Palmae in C. Ult. I. ambo doctissimi, ac dulcissimi amici plurimarum Academicarum Socii,

- (2) Philippus Jacobus Pignatari Florimontanae Ac. Princeps, vere polyhistor, obiit VI. eidus Feb: MDCCCXXVII.

Franciscus Antonius Badolato Florimontanae Ac. a Secretis, italica, et latina poesi clarus V. I. D. obiit pridie Kalendas Januarii MDCCCXXVII.

Emmanuel Paparo Florimontanae Ac. Promotor, pictor, orator, et poeta eximius obiit VIII. eidus Septemb. MDCCCXXVIII.

Leolucas Andreacchi Lucerini Ephebei Rector, orator, et poeta mellifluus obiit XI. Kal. Octobris MDCCCXXX.

- (3) Franciscus Xaverius Petroni Aprutinae Citerioris Provinciae Praefectus dignissimus, virtutum, scientiarumque omni genere cumulatissimus, vir egregius.

Joseph Taccone Sitiziani Marchio, Franciscus, et Petrus ejusdem Marchionis fratres: Viri, sive animi dotes, sive ingenii acumen spectes, praestantissimi, eruditissimique, ac scriptori sanguine et preclara amicitia conjuncti.

Odoardus Gerhard Berilonensis S. R. M. Borussiae antiquarius, et Instituti Archeologici Romani a Secretis. Clariss.

Carolus Witte V. I. D. in Berolincensi Academia Legum Profess. illustriss.

- (4) Eques Angelus Antonius Scotti S. D. N. Papae Praelatus domesticus, et Regiae Borbonicae meritissimus, doctissimusque Praefectus.

Comendatarius Michael Arditi Marchio Castriveteris, Regii Borbonici Musaei antiquitatum Director, Herculaneensis Academiae Senior, onnigena eruditione florens.

Eques Franciscus Carelli Herculaneensis Academiae Socius perpetuus ab actis, graecis, latinis, italicisque, literis eruditus obiit XVI. Kal. octobris MDCCCXXII.

- (5) Joannes Cenni Montis Leonis in C. U. II. Pro-Praefectus vigilantissimus.
- (6) Vincentius Viti filius Caplалbus inter Arcades Florimontanos *Dorisbo Medameo* appellatus, bonisque artibus addictus.
- (\*) Eques Gregorius Morellius Supremae Curiae totius regni Consiliarius meritissimus, literarum literatorumque fautor.



Vad  
1514069



